

## Löwenstedt 6

Ja, Jannis, du büst elven Johr oolt un speelst Theater bi de Jungen Lüüd vun Löwenstedt. Wenn du nu op de Bühn steihst, büst du denn lever en Steen, büst du lever en König, oder büst du lever en Herdmann [Anm. Rollenname aus dem Stück]?

Also, ik bün geern en König oder Herdmann. Oder dat, wat ik jetzt speel ok. Aber so nix doon finn ik nich so gut, weil da musst du nix doon, dor kannst du eenfach stahn un to de Tokiekers kucken.

Un du wullt also ok en lütt Stück Text hebben in dien Rull. Un büst du dat denn ok in dien Rull? Büst du dat sülvst?

Ja, ik heff schon en beten Text. Aber nich so veel wie de Herdmanns. Also, dor giff dat ja welche, de hebben en paarmal veel Text. Ik bün eher een vun de, de weniger hett.

Aber in Tokunft wullt du ok Rullen övernehmen, wo du en beten mehr to seggen hest.

Kummt drop an, wat för en Rull. Also ik kiek mi de natüürlich an. Un denn segg ik, ob de gahn. Un wenn't mal en giff, de ik nich so goot kann, denn mutt ik se halt öven.

Dien Platt is ja nu wüerklich goot. Snackt ji to Huus ok Platt?

Ja, bi mi weer dat fröher so: Mien Vadder hett immer seggt, he wull, dat wi Platt lehren. Un wenn wi in't Auto wat seggen wullen, denn mutten wi Platt snacken. Un sunst harrn wi nix to seggen.

Ja, dat is ja en harten Weg. Aber segg mal: Wat maakt di denn Spaaß an't plattdüütsche Theaterspelen? Du bringst dat ja vun tohuus ut mit. Un dor mutt doch irgendwat ween, wat di noch besunners Spaaß maakt.

Ja, ik finn, de Akzent is so'n beten cool. Oder de Wörter ok. Un dat maakt Spaaß, en Spraak to spreken, de manche villicht nich können. Also vele köönt de, Platt. Aber manche köönt dat ja ok nich.

Gifft dat denn ok Saken, de nich so eenfach sünd op Platt?

Ja, ik heff immer mal en Spraakfehler. Also, nich immer passt alles bi mi.

Ja, wenn man en Text lehren deit, denn is dat ja ok so, ne.

Ja.

Aber dat meiste is eenfach op Platt, seggst du.

Ja, dat gifft halt verschiedene Platt. Manche verstah ik gor nich, un manche gahn un manche verstah ik ganz gut.

Un gifft dat een hier an de Bühn, de jo helpen deit, wenn man dat mit dat Plattdüütsche nich so recht henkriegten deit?

Ja, also alle helpen een un seggen dann, wie dat geiht. Aber eigentlich kann ik dat schon.

Un wat för en Rull speelst du, wenn du dubbelt so oolt büst, wenn du tweeuntwintig büst?

Weet ik nich. Edgar wedder villicht. Kummt ja dorop an, wat wi dor spelen.